


PRÆSENS figura interna caluariæ basis sedes oculis subijcitur. Hic namque caluariam delineauimus, in qua superior ipsius pars subsequenti figura exprimenda, ad eum modum ablata est, quo cerebri fabricam ostensuri caput serra diuidere consueuimus.

SEPTIMA SEPTIMI CAPITIS
FIGURA.



SEPTIMA figura reliquam internæ sedis caluariæ partem commonstrat, figura sexta non expressam.


CHA

DVAE proximè præcedentes figuræ pluribus ornantur characteribus, uerum huc potissimum seruiunt maiusculi Græcorum, capitis ossium suturas indicantes: quæ in interna caluariæ sede, qua cerebrum continetur, etiam se spectandas offerunt. Reliqui autem characteres in his figuris conspiciuntur, caluariæ foraminibus ostendendis conducent.

- II In septima figura coronalis notatur, non adeo exactam suturæ compagem, atque in caluariæ externa sede, exprimens.
- ΔΔ Sutura Δ literam referens, notatur in septima. Verum & in sexta Δ etiam uisitur, dictam nuper suturam notans.
- ΘΘ In septima, sagittalis sutura indicatur. Sequentes modò notæ ad sextam duntaxat referuntur.
- ΛΛ Squamosa sinistri temporis conglutinat.
- ΞΞ Additamentum sinistri lateris suturæ Δ imitantis, quod per caluariæ basim contendit.
- Π Linea cuneiformi ossi & occipitis ossi communis, quæ duo suturæ Δ imitantis latera additamentâ ue iungit.
- ΣΣ Sutura cuneiforme os, circumscribens interuallum commune ipsi & frontis ossi, & octauo capitis ossi, in octaua figura A, B indicando. Si itaque à Π ad Σ, & hinc ad aliud Σ, hinc uero ad primum Ψ, ac inde ad secundum Ψ perrexeris, cuneiforme os in sinistro latere internaq; caluariæ sede circumscripseris. Vnde si eosdem characteres in dextro latere ad suas suturas poni sinxeris, eodem modo ut in sinistro latere, per characteres pergens, uniuersum cuneiforme os hoc loco descriptum fueris complexus.

OCTAVA SEPTIMI CAPITIS FIGURA.

- QVAMVIS modò tabularum frequentia lectori minime molestus esse uelim, eorum potissimum nomine singula capitis ossa adhuc priuatis figuris non exprimam: tamen quia ossis cuneo comparati, & dein octauo capitis ossis, quod cribri instar foraminibus peritum est, circumscriptio, non ita promptè ac cæterorum capitis ossium intelligitur, præsentis figura cuneiforme os cum octauo capitis ossi, à cæteris omnibus liberum, ea facie exprimitur, qua internam caluariæ superficiem cerebri sedem respicit. quod ideo maxime præstitimus, ut cauernæ in cuneiformi ossi plerumq; occurrentes in conspectu essent. Inducetur itaq; A, B, A octauo capitis os. Verum B priuatim insinuatur septum, sedes interstinguens, quæ cerebri processibus parantur, qui neruorum modo à cerebro ducti, olfactus organorum loco habentur.
- C D Duæ præcipuæ cuneiformis ossis cauernæ.
- E Septum indicatas modò cauernas interdiuidens.
- F Alterius cauernæ seu antri foramen, in narium amplitudinem pertinens.
- G Cautas in humiliori sede septi posita, quod duo potissima antra intersepit. Reliqua foramina in hac figura passim obuia, cum cæteris caluariæ foraminibus, duodecimo Capite enarrabuntur.
- H Cuneiformis ossis processus uespertilionum alis similes, & hic aliqua ex parte conspiciuntur. Cæterum iam tempestiuum est Capitis contextum aggredi, hæc q; omnia seriatim persequi, atq; Conditoris nostri industriam in condenda caluaria expendere. Licebit enim opinor, solis uocibus addictorum uenia, uniuersam struem tertia, quarta, quinta, sexta & septima figuris expressam, caluariæ nomine complecti, utcumq; alij solam partem crinibus ornata ita appellari uelint. Atq; ita hæc moles nobis in caput & maxillâ superiorè, doctrinæ studio, diuiditur.



C CERE